

11

9

ЈУН 2003 ГОД.

ПРИЛОГ БР. 9

УГОВОР

**ОПУНОМОЋЕНИЦИ : ЈУГОСЛОВЕНСКЕ НАРОДНЕ АРМИЈЕ,
ПРЕДСЕДНИШТВА И ВЛАДЕ БИХ, ПРОМАТРАЧКОГ ТИМА ЕЗ И ЛИЧНИ
ИЗАСЛАНИК ЛОРДА КАРИНГТОНА, У СКЛАДУ СА ПОСТИГНУТИМ
ДОГОВОРОМ У БЕОГРАДУ И РЕЗОЛУЦИЈОМ 752 СБ УН, САЧИНИЛИ
СУ ОВАЈ УГОВОР**

ПРЕДСТАВЉА ПИСАНИ ДОКАЗ:

- да уговор има међународни карактер,
- да је опуномоћеник ЈНА у име Титулара прихватио поред осталог одредбе чл.9, чл.10, чл.11 и чл.15 уговора који се односе на личну имовину предислоцираних без суштинских гаранција за ту имовину,
- да минималне гаранције садржане у Уговору нису до данас реализоване да гаранција о праву иселења покретних ствари дата у чл.9 није спроведена,
- да је потврђено катастарско власништво титулара на свим непокретностима ЈНА укључујући и војне станове.

Напомена: Уследила је Наредба ГШ ОС бр.53-3 од 11.5.92 којом се ближе уређује предислокација.

U G O V O R

o sastavu Komandi, jedinica i ustanova JNA iz garnizona Kasarni: Zenica, Travnik, Konjic i Kasarni i ustanova u Sarajevu, sastavljen dana 10.05.1992. godine u Sarajevu u prostorijama UNPROFUR-a.

UGOVORNE STRANE:

1. Predsjedništvo i Vlada Republike Bosne i Hercegovine
2. Predstavnici JNA
3. Promatrački tim EZ
4. Lični izaslanik Lorda Karingtona, g. Dojl

Clan 1.

Ugovorne strane su se sporazumjele da JNA vrati cjelokupno naoružanje, municiju, minsko-eksplozivna sredstva i opremu Teritorijalne obrane Općina: Centar Sarajevo, Novi Grad Sarajevo, Stari Grad Sarajevo, Novo Sarajevo, Zenica, Travnik i Konjic, koja je bila povjerena na čuvanje JNA, a čiji su vlasnici prije navedene općine, prema popisu stanja prije preuzimanja na čuvanje od strane JNA.

Clan 2.

Ugovorne strane su se sporazumjele da, u okviru povlačenja JNA iz Republike Bosne i Hercegovine, odmah potne povlačenje Komandi, jedinica i ustanova JNA sa naoružanjem, municijom, minsko-eksplozivnim sredstvima, opremom i pokretnom imovinom, koja preostane nakon vraćanja Teritorijalnoj obrani iz garnizona Kasarni: Zenica, Travnik i Konjic, kao i iz Kasarni u Sarajevu: "Maršal Tito", "Viktor Bubanj", "Jusuf Džonlić", "Gavrilo Princip" (Jaice Kasarna), Komanda II vojne oblasti (četiri zgrade), Vojna ustanova "Romanija" i Dom Armije.

Clan 3.

Ugovorne strane su suglasne da se komande, jedinice, ustanove JNA iz garnizona Zenica povlače pravcem: Zenica-Semizovac-Olovo-Kladanj-Vlasenica-Bratunac-Ljubovija; iz garnizona Konjic pravcem: Konjic-Sarajevo-Olovo-Kladanj-Vlasenica-Bratunac-Ljubovija; iz Komandi, jedinica, ustanova i garnizona Sarajevo pravcem: Sarajevo-Zenica-Doboj-Tuzla-Zvornik-Mali Zvonik. JNA se obavezuje da će prevoženje iz Sarajeva izvršiti prvenstveno željeznicom, što obezbjeđuje Predsjedništvo i Vlada Republike BiH uz punu sigurnost, a drumskim putem motornim vozilima pravcem: Sarajevo-Olovo-Kladanj-Vlasenica-Bratunac-Ljubovija.

Clan 4.

Povlačenje iz Republike Bosne i Hercegovine ostalih komandi, jedinica, ustanova i kasarni JNA utvrdit će se u nastavku pregovora o čemu će se sačiniti poseban ugovor.

Clan 5.

Vlada i Predsjedništvo Republike Bosne i Hercegovine se obavezuju da će omogućiti i obezbjediti siguran prolaz vojnih kolona, komandi, jedinica i ustanova na pravcima marševanja kolona ka njihovim odredištima i da na pojedinim kriznim tačkama na pravcima kretanja vojnih kolona uspostave stalne posade od jedinica Teritorijalne obrane Republike Bosne i Hercegovine i MUP-a dok se premiještanje ne izvrši.

Clan 6.

U vrijeme premiještanja iz kasarni i garnizona, ako na putevima dođe do kvara motornih vozila, mora se obezbjediti opravka istih od strane Republike BiH uz naknadu, ili od strane ekipa JNA, a po opravci motornih vozila mora im se obezbjediti nesmetan odlazak do odredišta.

Clan 7.

Status Vojne bolnice u Sarajevu i drugih zdravstvenih ustanova ugovorne strane regulisace posebnim ugovorom između ugovornih strana i Međunarodnog komiteta Crvenog Krsta.

Clan 8.

Za premiještanje Vlada će omogućiti angažovanje transportnih kapaciteta Republike Bosne i Hercegovine uz naknadu.

Clan 9.

Clanovima porodica aktivnih vojnih lica i građanskih lica na službi u JNA kao i članovima porodica penzionisanih pripadnika JNA, garantuju se sva prava u duhu međunarodnih normi. Onima koji žele da se isele, Vlada će omogućiti iseljavanje sa pokretnom imovinom.

Clan 10.

Raspolaganje nepokretnom imovinom na teritoriji Republike Bosne i Hercegovine vršit će se u skladu sa zakonima Republike Bosne i Hercegovine, do diobenog bilansa u koji ulaze sve nepokretnosti koje su u katastru uvedene kao imovina JNA.

Clan 11.

Oni koji su izvršili otkup stana, a žele da napuste teritoriju Republike Bosne i Hercegovine, da im se omogući i izvrši povrat uplaćenog novca, revalorizovanog na dan isplate, uz potvrdu- uplatnicu o izvršenoj uplati kod SDK BiH i račun organizacije u Republici BiH.

Clan 12.

Vlada se obavezuje da Clanovi porodica aktivnih vojnih lica i građanskih lica, kao i penzioneri neće biti maltretirani i da će imati sva građanska prava utvrđena Ustavom Republike BiH.

Clan 13.

Prilikom povlačenja iz vojnih objekata stanje istih će se zapisnički konstatovati.

Clan 14.

Realizacija ovog Ugovora počinje danom potpisivanja, a završava prema roku iz Plana povlačenja sa cijele teritorije Republike BiH koji će biti dostavljen ugovornim stranama.

U slučaju više sile rok će se produžiti uz saglasnost obadvije strane, što će se regulisati aneksom ovog ugovora.

Clan 15.

Ugovorne strane u cjelini su suglasne sa odredbama ovog ugovora i prihvataju ga. Ona ugovorna strana koja ne izvrši ili ne obezbijedi izvršenje ovog govora, snosit će sve pravne i faktičke posljedice koje iz istog proizadu.

Clan 16.

Ovaj ugovor je sačinjen u 5-istovjetnih primjerka za svaku ugovornu stranu po jedan.

Za Predsjedništvo


Fikret Abdijć
Stjepan Kljuić

Za Vladu RBiH

Jerko Doko

Predstavnik JNA

General major
Milan Akrentijević



4. Posmatracki tim EZ

Gospodin Antonio Nunes
Suarez dos Santos

5. Lični izaslanik
gospodina Lorda
Karingtona, gospodin
Doyl Kolm